

Identity Rums are not Greeks

ملاحظة: أوقات السيد طوني حدشيتي يكتب باللغة الكنعانية، يلي البعض بسميا لبنانية، والبعض الآخر بسميا عربي دارج. وبيستعمل الحرف العربي إلى حين تنشيط الأبجدية الكنعانية يومًا ما.

كتب السيد طوني حدشيتي: - الروم بالمشراء، حكيو يوناني؟ ب آيا فترا كانوا اغلبية الناس بالمشراء يحكو يوناني لك محكي؟ الروس والبلغار، روم. انتو وياهن زات الشعب؟ هنّي ولا مرّا حكيو يوناني.

- كيف ما خص الروم بالرومان؟ منين إجا الاسم لكان؟ السريان سمونا اجتماعيًا (مش دينيًا / مذهبيًا) "روم" صوب سنة ٤٠٠ لأن كُنّا ضمن الامبراطوري الروماني، وهالشي كَفّي على إيام بينزطيا، يلي كانوا عمليًا رومان الشراء بعد الانئصام سنة ٣٩٥. الروم / بيزنطيا بنّيت لغتن الرسمي الأساسية (لغة بيزنطيا الرسمية) اللاتيني من لَمّا نُأصمو الرومان، سنة ٣٩٥ ونتجت بيزنطيا من الانئصام، لحد ٦١٠، إلى جانب استخدام اليونانية والكنعانية رسميًا أيضًا. وبال ٦١٠ نلغو الروماني والكنعاني. ملاحظة إنو الرومان احتلوا لفترا وجيزة مناطق السريان وبلاد ما بين النهرين بس مش قد عَنّا. والعرب كَفُو بالتسمية. وسنة ٧٤٢، مع انئصام كرسي انطاكيا الخلفيدوني، صار اسم الخلفيدونيين يلي ليتورجيتن باليوناني "روم" (هون صار في طايفة الروم)، وهوليك يلي بالسرياني صار اسم "موارني". أما السريان، فكان إلن كرسي انطاكيا "المونوفيزي / اليعقوبي"، ما كانوا خلقيدونيين.

بال ٦١٠، صارت اللغا الرسمي لبيزنطيا هَيّ اليوناني فقط مع الامبراطور هرقل.

- واسم الطايفة بالاجنبي (Grec (بال feminin بصير Grecque))، هَوّي بسبب اللغا الليتورجية اليونانية. جايي من "اغريق" ومش من "روم".

ملاحظة: دايمًا ببستعملو الواقدي لإبراز إنو الروم كانوا يحكو يوناني:

قال الواقدي في "فتوح الشام" ٢٢١/١: "حدثني سليمان بن عبدالله اليشكري حدثني الشديد بن مازن عن جده خزعل بن عاصم قال: كنت في خيل يوقنا لما وجهنا أبو عبيدة معه. قال لما شارفنا عزاز قال لنا يوقنا: اعلموا يا فتيان العرب أنا قد شارفنا هذا العدو فإياكم أن يتكلم أحد منكم فإن لغتكم لا تخفى على الروم وأنا المترجم عنكم وكونوا على يقظة من أمركم. فإذا رأيتموني وقد بطشت بصاحب الحصن فتوروا على اسم الله تعالى، ثم ساروا وليس عنده خبر من تواتر القدر."

الزلمي عمل حالو "رومي" لأن بيعرف يحكي لغتن. آل لجماعتو: ما تحكو لأن بيّين انكن عرب، ما آل انو رح يحكي يوناني لغة الروم. (آل انو بيعرف لغتن بس ما زكر وحدد انو يوناني). اما فرضية إنو الروم هني نصن قبائل يونانيي إجو مع لغتن لمحكيي واختلطو معنا من ايم الاسكندر وقبل، فهول نظريات رومية أشبه بنظريات العرب، والعلم الجيني حسم الموضوع مع د. زلوعة ود. هابر.

- عفكرا، حكينا عن اللغا الرسمي (ما بعد الميلاد) والمحكي، بس اللغا اليوناني فرضا كلغا ليتورجي الامبراطور قسطنطين سنة ٣٢٨ عالناس يلي صار اسمن روم هون بالمنطأ بعدين. هودي الروم، يلي هني احفاد الكنعانيين والأنباط، كانت لغتن الليتورجي أبل ٣٢٨، الكنعاني.

- واليوناني كان كمان لغا فصحي قيد الاستخدام بالمشرق من حوالي ٤٠٠ ق.م. وقت النهضة الفلسفية والعلمية باليونان، وأصبح لغا رسمي من أيام الاسكندر من ٣٣٣ ق.م. دون الغاء الكنعاني. وقت إجو الرومان سنة ٦٤ ق.م، صارت

اللغة الرسمية اللاتيني، دون الغاء اليوناني بالنصف الشرقي للإمبراطورية الرومانية، ودون الغاء الكنعاني بالمشرق. بس اكيد طغا اليوناني علكنعاني، رسمياً أكثر من فصحةً (واحد مطرحو ليتورجيةً). والروماني ما كان يستخدم عتاً رسمياً الا بالحالات الكثير حساسة، مثل الأارات الامبراطوريي.

وبسبب تغيير اللغا الرسمية والفصحى، ارتبطو الروم باليونان نفسياً وعاطفياً، مثل ما في اليوم روم وغير روم ارتبطو بالعروبي بسبب اللغا.